

Balūwa ninɔ Pɔlɔ ukpikilya ndi Baefeso Likpɔmuka la mambwa

Pɔlɔ nɔ ukpikilya ndi bakilisito ba Efeso balūwa yi nimɔ. Akpika ndi kani a ka bɔlɔkɔ ka Luma. Gɔdɔ wa Efeso a ndi wanza kugbe luga ka bagɔdɔ basi ba Luma niɔ ba ka Azia. Batɔ budingi luga kabɔ kɔ bɛyɔ bagyaga ndi bumbula. Bapikilya ndi kunzi kabɔ ninɔ bamakaga na Ligiliki bɛ Alitemisi ndabɔ yanza. Batɔ ba Luma bamakaga ibɔ kunzi yi ninɔ bɛ Diana. Alitemisi yi ninɔ a sanamɔ muko yi. Bindaga ndi kabibiso ka ndabɔ yi niyɔ. Batɔ basi kɔ bɛyɔ babinikyana sanamɔ yi niyɔ kiki asi Bayuda aka ibɔ na Bakilisito.

Niyɔ Pɔlɔ igoku ndi ka Efeso ka ligundɔ kaki ya yiba, ɔpá ndi Bayuda ba kɔ mɔtɔɔ ka lisyɛ la mungu kabɔ. Kumbuso yi, igoku ndi kye kakwananigɔ ndi kolipya kɔ bɛyɔ, luki limoti, ɔbikyɔ ndi bɛ indatɔ bata kaunda. Niyɔ aga bata ka nganga ya yisaa, agya byanga bisaa ni anɔbikyaga bambanzɔ Mongoni Manza aka (Wanda Ligubo 19-20). Pɔlɔ atɔmbɔlaga ndi likpɔmuka li nili ka balūwa yi nimɔ: Kunzi atimibisisa ndi nilɔ a ndi la kisuma, nilɔ omosa ndi ka iziyɔ kaki. Akaiɔbikyɔ bɛ bamɔmɔla ndɛkɛ makpɔmuka masi ma kugɔ wa lisyɛ na nimɔ ma litɔmbɔ kye Yeso-Kilisito iki ngama kugɔ yi. Omotiloku bɛ Bakilisito bokwononi kaukanana, na kaiko abɛ bomika-muko, kɛgɔ binza kabikyɔ

be matu yi nimu a Muyuda, ikani nino ku kegu yi. Mumuyoniso kabu a mukaka aka, iyi ni Abili. Kuwa wa gu wa, bakilisito bokwononi kalamba pa imoti kye Abili kundungulyogonitoga.

Polo atumbalagatu ndi goni beyo muluku okwononi mino kaiko na mukaki, beyo bomiki bokwononi mino kaiko na babukata kabu, na beyo bosunzu bokwononi mino kaiko na bamombukwana-dabu. Abikya ndi goni be bakilisito bokwononi mino kaiko luki limoti na Kilisito.

Yigbananaga ya kitabu yi niyi:

Yuuso 1:1-2

Kilisito atidukulya ndi babunga na Limbengi-

Lotu 1:3-3:21

Tikini na obili wambiya pa imoti na Kilisito

4:1-6:20

Yuuso ya mulibo *6:21-24*

Yuuso

¹ Imi Polo, Kunzi emakaga ndi ka sipananiso kaki, kaika atutumbwa ka Yeso-Kilisito. Nakamukpikilyo ibunu batu ko Kunzi ni bo mabailya Yeso-Kilisito ku ka Efeso*.

² Kunzi Obosu na Mombukwono-dosu Yeso-Kilisito bamudukilyi babunga, bamupa maziyo.

Kunzi atidukilyaga babunga pisi ka Kilisito

³ Kunzi, Abaki Mombukwono-dosu Yeso-Kilisito avi ibiba! Atidukilyoni babunga pisi ka matikana na Kilisito, atipa bapere ba Limbengi-Lotu kaki kotukyoku kugu wa lisyu.

* **1:1** 1:1 Mofiso mandeli magogo kegu no lino la Efeso. Ka masye mi nimo Polo agya ndi ka Efeso, Wanda ka Ligubo 18:19-21; 19:1-40.

⁴ Pisi ka Kilisito, Kunzi atipunogoni ndi kaika batu kaki kambwa kagya obili. Agya ndi beyo, kye tiki botu ni takegu na ida kambwa kaki. Ko bulya sipananiso kaki,

⁵ osisilya ndi kambwa aka be tika ndeke bomikaki pisi ka Yeso-Kilisito. Abailya ndi beyo, kabyenene na sipananiso kaki.

⁶ Tabibisini neki Kunzi ka iziyo kaki niyo atipa ndi pisi ko Mikaki mapaka.

⁷ Pisi ka bangwa ka Kilisito, Kunzi atikulogoni ndi, atipilya bunye kusu. Kuwa wa go wa, atiwonisiloni ndi budingi ba iziyo kaki,

⁸ atitumiso noyu, atipa yimibo yasi na akili wasi.

⁹ Atimibisa ndi dikidi kaki, kabyenene na yigya yanza kaki, nilo osisilya ndi kambwa aka be otulyasa ndeke pisi ka Kilisito.

¹⁰ Tamanaga yi niyo, Kunzi otulyasa ndeke ko ngbingo yi nino abisa ndi: kamumula masi nimo a kugu wa lisyé na kusili wa moni kaiko kusili wa bungama ka Kilisito aka yikaka.

¹¹ Kusó wa matikana kusu na Kilisito, tinsononi na nilo atiwanyaga ndi. A beyo, Kunzi atipunogoni ndi kambwa aka, kabyenene na tamanaga kaki. Otulyosaga makpumuka masi madongoni beyo osisilyogo mino na beyo apaga mino.

¹² Tobibisini neki budingi ko Kunzi, ibusu nibo ta ndi ba mambwa kobiso tamanaga kusu kusó ka Kilisito!

¹³ Ibunu goni, mabinikyononi ndi Kilisito ngbingo yi nino mukana ndi mino mongoni ma lingun, Mongoni Manza nimo amudulyoku ndi

na muhukuso. Kwa wa, Kunzi amubisa ndi na ifa kowonisila be ma kwa batu kaki. Ifa yi ni Limbengi-Lotu nilo awanyaga ndi.

¹⁴ Limbengi-Lotu li nilo ni mukalya ma mambwa ma lisimo nilo Kunzi ubisilya ndi batu kaki. Tinisana ndeke na mukalya mi nimo ngbingo yi nino kulikanaga kusu itulyana ndeke mino. Tobibisini neki budingi ko Kunzi.

Polo akaulumbilya bakilisito

¹⁵ Nukononi beyo mabinikyana mino Mombukwono-dosu Yeso na beyo mapaga mino batu ko Kunzi basi.

¹⁶ Kinili, nabibisogo Kunzi masye masi ko bulya kunu. Nakamubusalagigu ka malumba kami.

¹⁷ Nakungaga Kunzi ka Mombukwono-dosu Yeso-Kilisito, Baba wa ibiba, kamupa Limbengi kaki iba wikoni na yimibo na bungbanganya, na ku kwa ku mamibo mino binza.

¹⁸ Nakungaga ambe amuhukwi mambengi bungbanganya, kye mibi mutamanagi tino mo Kunzi amamakaga ndi mino. Miba goni ibiba yidingi na lingama kaki lasi nilo ubisilya ndi batu kaki,

¹⁹ miba ngu yidingi niyo Kunzi atiwonisilo ifusu bi nibo takabinikyana. Owonisila ndi ngu kaki yasi,

²⁰ ngbingo yi nino apupisa ndi mino Kilisito luga ka bamanda, alikiso ka kambanzikaniko kaki ku kugu wa lisy.

²¹ Ku beyo, a ngama ka bangama basi, iki ka batu budingi-dingi basi ikani ka botutungyo basi, iki ka batu bo ngu ikani bamalaika basi. A

ngama kugu wa masi nimo bakwanana katwa ka obili yi nimuna ikani ka obili yi nino akodoku.

²² Kunzi obisoni ndi makpumuka masi kusili wa magu ka Kilisito, abisa ndi Kilisito kugu wa makpumuka masi, abiso be iki mu ma kanisa.

²³ Kanisa ni nzayi ka Kilisito. Kilisito a wakiko kuso yi na Kunzi a mutumo kuso ka Kilisito.

2

Kainisana na muhukuso pisi ka iziyo ko Kunzi

¹ Ka bundeli, ma ndi bukwo ko bulya yigya yanye na banye kunu.

² Mipaga ndi ka yigya yanye ya obili yi nima, managya mutuu ka ngama wo ngu yo ovivi. Ngama yi nino a limbengi la banye nilo akagya ligubo kuso ka batu nibo bakabangagigu Kunzi.

³ Ka bundeli, ifusu basi ta ndi goni abe ibu. Obili kusu abyenenenge ndi na musasa ma nzayi, anagya sipananiso si na niso sa mambengi kusu. Kinili, ko bulya yigya kusu yanye niyo tibukuta noyu, takakwananigu ndi kanyika ngbata ko Kunzi mudongoni abe batu bago.

⁴ Luki limoti, kumbu ko Kunzi a yidingi. Ko bulyo ya sipananiso sidingi niso atiwonisila ndi,

⁵ ifusu nibo ta ndi bukwo ko bulya banye kusu, atipa bata obili pa imoti na Kilisito. A pisi ka iziyo ko Kunzi yo minisana ndi mino na muhukuso.

⁶ Kuso wa matikana kusu na Yeso-Kilisito, Kunzi atipupisa ndi pa imoti na ibu ka mbuku, atilikiso na ibu ka obili yi nino kugu wa lisy.

⁷ Agya ndi beyo kye atiwonisili ka byanga nibo akodoku iziyo kaki yidingi na yimbanga. Atiwonisila bunza kaki ka matikana kusu na Yeso-Kilisito.

⁸ A beyo, iziyo ko Kunzi yo amupá muhukuso pisi ka baya. Muhukuso mi nimo kotukyokugũ ku kunu, luki limoti, a apeepe ko Kunzi.

⁹ Makinisanagu ndi na imu pisi ka yigya kunu. Kinili, mumbanzu gutugu bemoti aka kakwananigu mino kaiyipo ikubasu.

¹⁰ A beyo, ta ligubo ko Kunzi, atigya ndi ka matikana kusu na Yeso-Kilisito kye tiki kagya makpamuka manzanza ka obili. Obungusyaga ndi makpamuka mi nimo kambwa aka bekye tiki kagyo yi.

Kaiko luki limoti kuso ka Kilisito

¹¹ Bayuda bi nibo ba na bepukulu baya simuso, bimakaga be batu bi nibo bikusiso. Ibunu bi nibo makegu Bayuda bakibukuta, makegu na bepukulu bi nibo. Bamamakaga be makegu bakikusiso. Eee, tomononi beyo ma ndi mino kambwa,

¹² ma ndi byi na Kilisito, makakwananigu ndi kaiko luga ka bomikya Bezaleli. Makegu ndi ka bagume nino Kunzi ugiyila ndi kaunana na ibu. Makegu ndi na mutamanagi na makegu no Kunzi ka obili.

¹³ Luki limoti, mbiya wanu ka matikana na Yeso-Kilisito, ibunu nibo ma ndi byi no Kunzi, ma kuwa bikpudũ no Kunzi pisi ka bangũ ka Kilisito.

¹⁴ A beyo, iyi no atipá maziyo. Iyi no agya ndi be Bayuda na batu nibo bakegu Bayuda biki luki limoti. Pisi kapá nzuyi kaki, mulili nimo

ugbanana ndi, agyaga ndi be biki bomuyoniso luga kabu, kegu bata.

¹⁵ Atumba ndi mutuu ka Bayuda, bopisi bi na yigyo yi. Ugya ibu basi kaiko batu bumoti, biita bambiya, ka matikana na iyi. Kuwa wa go wa, obisa ndi maziyo luga kabu.

¹⁶ Pisi ka kukwaku kaki ka musalaba, Kilisito umumula ndi basi kaiko nzuyi yimoti, atumba ndi simuyoniso, uhukwilya pisi kamatikana no Kunzi.

¹⁷ Kilisito odoku ndi kapaga Mongoni Manza ma maziyo kunu ka nibo ma ndi byi no Kunzi, na ka nibo ba ndi buwobi na iyi.

¹⁸ A beyo, pisi ka Kilisito ibusu basi, iki Bayuda ikani batu nibo bakegu Bayuda, takwanana kasilyo Baba ko ngungu ya Limbengi-Lotu li nilo.

¹⁹ Kinili, ibunu batu nibo makegu Bayuda, makegu bata bobiko ikani batu nibo botukyoku ndi byi. Luki limoti, ma kuwa batu botu, batu ba Ndabu ko Kunzi.

²⁰ Ma kuwa gonni ibunu bakipika ka ndabu niyo batutumbwa na bogyalandu bakpo ndi mubumbe mi. Yeso-Kilisito mombukwana-daki yi ni litalu nilo osulyaga mubumbe mi.

²¹ Pisi ka matikana kusu na Kilisito, ndabu yi niyo a yakamaga bingbufu, na a kuwa kaidukologo kaiko yotu kuso ka Mombukwono-dosu.

²² Ibunu gonni ma bakipiko pa imoti na batu bago basi kaiko ka ndabu niyo Kunzi ikago mino pisi ka Limbengi kaki.

3

Polo akantumbulyaga batu nibo bakegu

Bayuda bodikidi ka Kilisito

¹ Kinili, imi Polo na ka boloko kye na mugya-ligubo ka Yeso-Kilisito ko bulya kunu bi nibo makegu Bayuda.

² A beyo, mukanatū ndi beyo Kunzi epá ndi mino ligubo pisi ka bunza kaki ko bulya kunu.

³ Eukwoni ndi yimibo, kemibisa bodikidi kaki beyo namukpikilyi bi mino ka bukufu yo.

⁴ Makatangulaga mobiso kami, makwanana kotombisyo beyo nibaga mino dikidi ka Kilisito.

⁵ Kunzi kumibisagu ndi batū bandeli. Luki limoti, mbiya wanū uwonisiloni batū kaki botu: batutumbwa na bogyalandū, pisi ka Limbengi kaki.

⁶ Dikidi yi niyi: pisi ka Mongoni Manza, bakwanana kaupá batū nibo bakegu Bayuda na Bayuda pa imoti, mukalya nimō Kunzi asuma ndi ko bulya livananza kaki. Ba mababa ma nzuyi yimoti, bakainisono goni ibu na agume ninō Kunzi awanyaga ndi pisi ka Yeso-Kilisito.

⁷ Kunzi ebisoni ndi mugya-ligubo wa Mongoni Manza mi nimō, pisi ka apepe ninō epá ndi kabyenene no ngu kaki.

⁸ Nakegu po luki luga ka batū basi ko Kunzi. Luki limoti, bepá ndi iziyo yi niyo kaubikyaga batū nibo bakegu Bayuda lingama ka Kilisito nilo kegu na mulibo.

⁹ Nakwanana kauwonisilo batū basi bingbanganya beyo Kunzi o mino kotulyoso dikidi yi niyo. Iyi no agya ndi makpumuka masi, asuma ndi dikidi yi niyo katukya ka bandeli.

¹⁰ Kinili, mbiya wanū, pisi ka Kanisa, bangama basi na botutungyo ba obili wa kugu wa lisyē

bakwanana kuwa kaiba yimibo ko Kunzi. Kunzi owonisilaga yimibo yi niyo ko bopisi dididi.

¹¹ Niyo yasi akaɓyɛnɛnɛ na tamanaga ya ɓɛnzɛ na ɓɛnzɛ ko Kunzi, niyo otulyosa ndi pisi ka Yeso-Kilisito Mombukwono-dosu.

¹² Kusɔ wa matikana kusu na Yeso-Kilisito na pisi ka baya kusu ka kaki, takwanana kodoku kambwa ko Kunzi limbengi ɓidɛɛɛ.

¹³ Kinili, nakamukunga ambe makogwonitogu ɓurɔ ka yigyogyiso yi niyo nakaigyogyiso ko bulya kunu. Yigyogyiso yi niyo akamurá ibiba ya lingunɔ.

Budingi ɓa sipananiso ka Kilisito

¹⁴ Kinili, nakobuna moli kambwa ko Kunzi Baba,

¹⁵ ninɔ apága ɔbili ka ɓevananza ɓayasi kugu wa lisyɛ na kunu kusili wa mɔni.

¹⁶ Nakakunga Kunzi ninɔ a na ibiba yidingi na lingama lasi ambe amurá ɓurɔɓurɔ pisi ka Limbengi kaki iba miki no ngu ka mambengi kunu.

¹⁷ Kilisito iki ka mambengi kunu pisi ka baya. Wikoni no lyo ka sipananiso, migwinonogo ɓingbufu kusɔ yi.

¹⁸ Kuwa wa, makwanana kotombisyo pa imoti na livananza lasi ko Kunzi ɓɛ Kilisito atipaga kugbe.

¹⁹ Iyo, makwanana ɓanɔ kotombisyo sipananiso si niso gutugu ɓeyɔ okitogi nimo yimibo yasi yo, iba miki kuwa na ɔbili wasi ko Kunzi, Kunzi ika mutumo kusɔ kunu.

²⁰ Kunzi a no ngu kagya yakpu kakitaga niyo takungaga na niyo tatamanaga, agyaga ligubo kuso kusu pisi ko ngu yi niyo.

²¹ Ibiba ku kaki, ka kanisa na pisi ka Yeso-Kilisito, ka bongbinga basi na ka benze na benze! A asi beyo aka yo.

4

Kaiko luki limoti kuso ka Kilisito

¹ Imi nino na ka boloko kye nagugubyogo Mombukwono-dosu, na neki kamubikya ambe ibunu bi nibo Kunzi amamakaga, wikoni na yigya niyo okwononi na molikoni mi nimo.

² Wikoni masye masi bakisiso, botombiii na limbengi linda, manokibyono luga kunu ka sipananiso.

³ Gyoni yapu kobuulyo yimoti niyo Limbengi-Lotu akamupa pisi ka maziyo nimo akamumumula pa imoti.

⁴ Nzuyi a yimoti, Limbengi-Lotu a limoti goni. Kunzi amamakaga ka matamanagi mumoti goni.

⁵ Mombukwono-dosu a bemoti, baya yimoti, ibatiso yimoti,

⁶ Kunzi a bemoti, Abaki batu basi, a kugu ka basi, agyaga ligubo pisi ka basi na a kuso ka basi.

⁷ Luki limoti, Kunzi apa ndi matu yikakayikaka iziyo, Kilisito apa iyi aperse.

⁸ Kinili ikpikaga be:
«Ngbingo yi nino afaka ndi mino kugu, aga ndi na batu ba boloko, upa bambanzu bapere.»

9 «Adfaka ndi kugu.» Isi yi se kuwa ni iki? Isi yi ni kambwa kadfaka, Kilisito osya mbeyi ndi kusili kugbe, kunu ka litombu.

10 Nino osyoku ndi, iyi goni no adfaka ndi kugu kugbe kakitaga lisyε kye itulyani ka bapa bayasi.

11 Iyi no upa ndi bambanzu bapere dididi: upa ndi batu bago kaiko batutumbwa, bago bogyalandu, bago babibikya bo Mongoni Manza, bago bata bapasitele na bowonisilo.

12 Agya ndi beyo, kye batu ko Kunzi biki bukwanana kotulyoso ligubo kaki, ko bulya lipipiko la kanisa, nzayi ka Kilisito.

13 Kuwa wa go wa, ibusu basi tika kuwa luki limoti ka baya kusu, tamiba basi Miko Kunzi. Tiita batu bungata ka baya, tiko na yigya yanza madongoni abe Kilisito.

14 Kuwa wa, takikigu bata abe bomiki kaamama bigbagbagba abe ingbolo niyo mbumbo oyungaga ka limbengi lo libo. Takikigu bata kogwogwo ka mutuu ka batu gbali nibo bubobogo bengenani na kaubumya pisi ka bokoli kabu.

15 Luki limoti, pisi kabikyaga lingunu ka sipananiso, topingo ka makpumu ka masi na kadwe ku kwa ku tiita mino abe Kilisito nino a ma ma kanisa.

16 Pisi ku kaki, mababa masi ma nzayi a pa yimoti na ka yimoti. Na nzayi yasi a yakizukyonogo binza ko ngu ya moziko. Kuwa wa, ngbingo yi nino libaba limoti-limoti o mino kagya ligubo beyo okwononi mino, nzayi yasi akangata na kaipiko ka sipananiso.

Jbili wambiya kuso ka Kilisito

17 Kinili nakaitatanaga na ibunu ko lino ka Mombukwono-dosu be: obili kunu kikonitogu bata abe batu nibo bakamibigu Kunzi. Tamanaga kabu ikaga asi ya payaya aka.

18 Yimibo kabu opiyoni biti bipi, bakegu na obili nino Kunzi apaga. A beyo, bakibigu luki gutugu limoti aka kye ba na ma mapu.

19 Bakegu gutugu no mikyo suni aka. Biponi asi ka yigya yanye aka na banagya makpumuaka manyenye masi ni bakegu na kubangaku.

20 Luki limoti, bakamuwonisilagu ndi ibunu beyo ko bulya ka Kilisito!

21 Mukanatu ndi mongoni ka Yeso binza, bamuwonisilo linguu nilo a kuso kaki.

22 Yeki a beyo, makwanana neki kaasanana na yigya kunu yandeli, mopupa ka obili kunu wandeli nino apaga musasa ma kuboboku nimo atikaga mumbanzu kapatikana.

23 Okwononi kaiko batu bambiya ka mambengi na tamanaga kunu,

24 mogulya ka obili wambiya nino Kunzi agya ndi ka likingyosi kaki. Obili yi nino a wongbing-bili na a na butu ba linguu.

25 Kinili, okwononi kaasanana na bongo! Mumbanzu wasi abikyagi mamaki likpumuaka la linguu, kye ibusu basi ta mababa ma nzuyi yimoti aka.

26 Kika ni mongbutini, makogwonitogu ka bunye. Okwononi ngbuta kunu osyi kambwa moni kogwo.

27 Makasilyonitogu mumuyoniso ngbingo gutugu iki yi aka kamundangulyaga.

28 Ninu ibaga ndi, asi kubaku, luki limoti idukufi bigubu kagya ligubo na maboku kaki. Kuwa wa go wa, ika na obili wanza. Akwanana goni kaiko no luki kausingyo nolu batu ba yangya.

29 Munzina manye gutugu mumoti aka kop- uponitogu ka noku kunu. Bikyogoni nimo aka mo manza, nimo akwanana kaika na izangiya kaupiko batu bago na nimo akwanana kapá iziyo ka batu nibo biko kamamukana.

30 Makalyisisonitogu Limbengi-Lotu kumbu. Limbengi li nilo a ida niyo Kunzi amubisa ndi kowonisila be ma batu kaki kadwe ka lisyé nilo amukulaga ndeke mino ka bunye.

31 Wosoni tamanaga yasi ka mumuyoniso: gboko, ngbuta, pamikanaga na mosikoni. Wosoni bunye basi!

32 Luki limoti, wikoni banza, butumo na sipananiso luga kunu. Pilyononi mudongoni beyo Kunzi amupilya ndi mino pisi ka Kilisito.

5

Kaiko ka bungbanganya

1 Ma bomiki nibo Kunzi upaga, byeni neki yigya kaki.

2 Wikoni na sipananiso luga kunu mudongoni beyo Kilisito atipa ndi mino. Apa ndi obili kaki ko bulya kusu abe aperse nino wa su yanza kambwa ko Kunzi.

3 Ma ka livanza ko Kunzi, kinili yigya yasi ya budanda, ya musugu, gutugu ya musasa ma mukumbo aka kinisonitogu luga kunu.

⁴ Kegu goni binza kopupisogo munzina ma gbali, mo suni ikani manye, kye kegu na izangiya. Luki limoti, munzina kunu iki nimo mumigisyo Kunzi ibiba aka.

⁵ Wiboni binza ambe: adanda wasi, mutu wa musugu na nino wa musasa ma mukumbo (musasa ma mukumbo a madongoni abe kaubisyo bokunzi), nibo basi bakinisonigu ndeke ka Bungama ka Kilisito na ko Kunzi.

⁶ Mumbanzu kamubonitogu na munzina ma payaya, kye inguo ya munzina mi nimo, alikyaga ngbuta ko Kunzi ka batu nibo bakabangagigu.

⁷ Kinili, makusyonitogu inguo ya batu bi nibo ka madongo.

⁸ Mikaga ndi kambwa ko biti, luki limoti, mbiya wanu, pisi ka matikana kunu na Mombukwono-dosu, ma kuwa ka bungbanganya. Wikoni na yigya abe batu ba bungbanganya.

⁹ A beyo, masolo ma bungbanganya ni bunza, bungbingbili na linganu.

¹⁰ Gyoni yapu kotombisyo makpumuka nimo abosogo Mombukwono-dosu.

¹¹ Makomotikononitogu ka makpumuka ma payaya nimo bagyaga ko biti. Luki limoti, pupisoni ka bungbanganya.

¹² A beyo, makpumuka mi nimo batu bi nibo bagyaga ko dikidi, apagatu suni kopupiso yi.

¹³ Wina se, ngbingo yi nino bopupisaga mino dikidi, likpumuka li ipupisaga kuwa ka bungbanganya.

¹⁴ A beyo, masi nimo ipupisaga ka pa yangba, iitaga kuwa bungbanganya. Kinili babikyaga be:

«Ɔwe muna wa ka toto aaa, zuzuko!
Pupoku ka obili ka bamanda,
Kilisito anze kugu kaku.»

¹⁵ Wiminyonito neki na yigya kunu. Makikonitogu abe bongingi, luki limoti, wikoni abe batu ba yimibo.

¹⁶ Wakiko no ngbingo kagya luki, ngbingo yi ninu kuukogonitogu, kye masye mi nimana, a manye.

¹⁷ Makikonitogu neki bongingi, luki limoti, gyoni yapu kaiba nilu Mombukwono-dosu akapa.

¹⁸ Makodomwonitogu vinya, kye aputaga mu ka mumbanzu, luki limoti, wikoni butumo na Limbengi-Lotu.

¹⁹ Tumisonogoni mambengi na mambu, mambu mubibiso na mambu ninu akotukyoku ka mambengi. Mumbimbimbyoni, mabibiso Mombukwono-dosu ka mambengi kunu masi.

²⁰ Mumigisilyoni Kunzi Baba ibiba masye masi na ka makpamaka masi, ko lino ka Mombukwono-dosu Yeso-Kilisito.

Mutu ko bulya ka boko na bambunya

²¹ Bongononi mabobo ko bulya kubangaku ka Kilisito nikwo a kuso kunu.

²² Ibunu boko aaa, hubongoni bombunyonu mudongoni beyo mabangaga mino Mombukwono-dosu.

²³ A beyo, muluku ni mu ka mukaki, mudongoni beyo Kilisito o mino mu ma kanisa. Kilisito ni Muhukuso wa kanisa, na kanisa a nzayi kaki.

24 Boko bakwanana neki kaubanga bambunyabu ka makpamuka masi, mufongoni beyo kanisa abangaga mino Kilisito.

25 Ifunu baluku aaa, huponi boko kunu mufongoni beyo Kilisito apa ndi mino kanisa. Apa ndi obili kaki ko bulyo yi.

26 Agya ndi beyo, kobubiso kanisa bitu ko bulya ko Kunzi, ongumasa pisi ko libo* na manzina.

27 Abailya ndi be kanisa inisoni kambwa kaki na ibiba, ni kegu na ida ikani ibo yagogo gutugu imoti aka. Luki limoti, iki bitu ni kegu wa baminya mino.

28 Baluku bakwanana neki kaupra boko kabu mufongoni begeyo hapago mino nzuyi kabu bamombukwana-dabu bi. Nino apaga mukaki, ipaga iyi mombukwana-daki yi.

29 A beyo, kegu na mumbanzu gutugu bemoti aka nino omuyoni nzuyi kaki bikpe. Luki limoti, olyolisogo, anobuulyo mufongoni beyo Kilisito agyaga mino na kanisa.

30 A beyo, ta mababa ma nzuyi kaki.

31 Mufongoni beyo ikpikaga mino be: «Kinili, muluku asaga ndeke abaki na amaki bakpakpana na mukaki, ibu basi baba biita kuwa nzuyi yimoti.»

32 A yapuru kugbe kotombisyo dikidi yi niyi, luki limoti, imi nakamubikya ambe a likpamuka li nilo akanda Kilisito na Kanisa.

* 5:26 5:26 pisi ko libo: Akanzina ko bulya ibatiso (wanda goni Tito 3:5). 5:31 5:31 Wanda ka Mupanganagi 2:24.

³³ Luki limoti, a gɔni ko bulya kunu: mɔlukɔ wasi akwanana kapa mukaki beyɔ ipago mino mombukwana-daki yi, muko abanga mbɔnyaki.

6

Mɔtɔɔ ko bulya ka bomiki na babukɔta kabɔ

¹ Ifunu bomiki, hubongoni babukɔta kunu mɔɔɔngɔni beyɔ Mombukwono-dosu apaga mino. Mokwononi kagya beyɔ.

² Mɔtɔɔ ma mambwa nimɔ Kunzi apá ndi mino agumɛ nima: «Mɔbanga abakɔ na amakɔ,

³ kye wiki binza, wika gɔni na ɔbili munda.»

⁴ Se kɔwa ifunu bababa, makutulisonitɔgɔ bomikunu mambengi. Luki limoti, ukwisoni, manɔtiwa na manuwonisilo mɔtɔɔ ka Mombukwono-dosu.

Mɔtɔɔ ko bulya ka bosunzu na bamombukwana-dabɔ

⁵ Ifunu bosunzu aaa, hubongoni bamombukwana-donu bi nibana kɔnɔ ka litɔmbɔ, manɔbibiso na limbengi limoti, mɔɔɔngɔni abɛ makiko bi kagugubyo Kilisito.

⁶ Makugugubyonitɔgɔ asi ko ngbingo yi ninɔ aka nɔ bo mino kamunda kye minisoni banza. Luki limoti, tulyosoni sipananisɔ ko Kunzi na mambengi kunu masi mɔɔɔngɔni abɛ bosunzu ka Kilisito.

⁷ Gyoni ligubo kunu la bosunzu na limbengi lanza mɔɔɔngɔni abɛ makiko kagyilya Mombukwono-dosu. Makogyonitɔgɔ abɛ makiko kagyilya mɔmbanzɔ.

8 Wiboni ambe mumbanzu kiko musunzu ikani mukulikanaga, Mombukwono-dosu akalya ndeke mutu yikaka-yikaka kabyenene na bunza nibo ika kani ogyoni ndi.

9 Ibunu bamombukwana-dabu, ugyilyoni bosunzu kunu beyo. Wosoni kaanyakilya binyaka-nyaka. Wiboni ambe ibunu na bosunzu kunu ma na Muwonisilo bemoti kugu wa lisyé. Iyi uminaga batu basi mufongoni aka.

Makrumuka ma lunga ka Mukilisito

10 Ka mulifo, kisoni ngu kunu pisi ka matikana na Mombukwono-dosu ko ngu kaki yidingi.

11 Voni makrumuka ma lunga masi nimo Kunzi akamupa, iba mumuyoniso kamundungilyogonitogu na bokoli kaki. 12 A beyo, takegu kabumana na batu ba obili yi nima. Luki limoti, takabumana na botutungyo ba kugu wa lisyé, bangama, batu bo ngu na bamombukwana obili yi nimana wo biti ma.

13 Kinili, voni mbiya wanu makrumuka ko Kunzi masi ma lunga! Kwa wa go wa, ngbingo yi nino lisyé lanyé odoku ndeke mino, makwanana kaisulyo kambwa ka mumuyoniso. Ka mulifo ma lunga, makwanana kaiko bakisulyo.

14 Yeki a beyo, wikoni bakitulya: mikandila lingunu bingbifu abe mukaba, mimokisyo bungbingbili abe kutuko kwa ngweyi nikwo obuulyogo mbanzi.

15 Wimokisyonni kekele yibikyaga Mongoni Manza ma maziyo abe bekpaku.

16 Baya kunu iki bongbinga basi abe kopi niyo makwanana na iyu kolimogo buku ba bomongwo basi ka Mumuyoniso.

17 Vonito goni muhukuso abe ikpakpasu sa ngweyi na Likpamuka ko Kunzi abe dukpa niyo Limbengi-Lotu atipá.

18 Nimɔ masi, mukungogoni Kunzi bongbinga basi ka mobi ma malumba masi mudɔngoni beyo Limbengi-Lotu iko mino kamuwonisilo. Wikoni bongbinga basi bakitulya, hulumbilyoni batu ko Kunzi basi.

19 Ikungilyonito goni, iba ngbingo yi nino nanzinaga banu mino, Kunzi ewanyi beyo nakwanana mino kabikya. Kuwa wa go wa, nakikigu kazakadaga kaibisikoso dikidi ya Mongoni Manza.

20 Gutugu beyo no mino ka boloko bene, na imi mabibikya wa Mongoni Manza mi nimɔ aka mɔ. Ikungulyoni neki iba nakikonito na kubangaku, luki limoti, iba nabikyagi beyo okwononi mino.

Yuuso ya mulibo

21 Nakapa ambe wibonito goni ibunu likpamuka kami na ligubo nilo nakagya. Momosu mapaka na mugya-ligubo ka Mombukwono-dosu beyo ka Tikiko amapagatu banu mongoni masi.

22 Namutikilyi ambe amapagi mongoni kusu, amutumisa goni mambengi.

23 Kunzi Baba na Mombukwono-dosu Yeso-Kilisito budukilyi bomomосу basi maziyo, bupá sipananiso na baya!

²⁴ Iziyo ko Kunzi iki pa imoti na batu basi nibo bapaga Mombukwono-dosu Yeso-Kilisito na sipananiso niso kegã na mulibo.

AGUMƐ WAMBIYA

Lika: AGUMƐ WAMBIYA (New Testament+)

copyright © 2019 Wycliffe Bible Translators, Inc.

Language: Lika

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 1 Oct 2024 from source files
dated 29 Jan 2022

f796df90-b7da-5393-9b93-c756eba4e5d6